

## **Կ Ա Ր Գ**

### **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՍՈՎՈՐՈՂՆԵՐԻ ՊՐԱԿՏԻԿԱՅԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

#### **I. Ընդհանուր դրույթներ**

1. Սույն կարգը սահմանում է Հայաստանի Հանրապետության ոստիկանության կրթահամալիրի (այսուհետ՝ Կրթահամալիր) սովորողների պրակտիկայի նպատակները, խնդիրները, տեսակները, պրակտիկայի ծրագրի բովանդակությունը, կազմակերպման և անցկացման կարգն ու պայմանները, պրակտիկայի ամփոփման և գնահատման ձևերը:
2. Կրթահամալիրի սովորողների պրակտիկան կարգավորվում է ՀՀ օրենսդրությամբ, ՀՀ ոստիկանության /այսուհետ՝ Ոստիկանություն/ պետի հրամանով, սույն կարգով, պրակտիկայի ծրագրերով և այլ իրավական ակտերով:
3. Կրթահամալիրի սովորողների պրակտիկան մասնագիտական կրթության բաղկացուցիչ մաս է, որի կազմակերպումը և իրականացումն ուղղված է ուսումնառության ընթացքում սովորողի կողմից ձեռք բերած տեսական գիտելիքների և գործնական հմտությունների ամրապնդմանն ու զարգացմանը:
4. Պրակտիկայի տեսակները, տևողությունը ամրագրվում են ուսումնական պլանում, իսկ անցկացման ժամկետները՝ ուսումնական գործընթացի կազմակերպման ժամանակացույցով, իսկ հարգելի պատճառով պրակտիկային չներկայանալու, ուսանողական իրավունքների վերականգնման կամ այլ բուհից տեղափոխման դեպքում՝ անհատական ժամանակացույցով:

## **II. Պրակտիկայի նպատակները**

**5.** Կրթահամալիրում պրակտիկայի նպատակներն են.

- 1) սովորողների կողմից ուսումնառության ընթացքում ստացված տեսական գիտելիքների և գործնական հմտությունների ամրապնդումը և զարգացումը,
- 2) հետագա մասնագիտական գործունեությունն ինքնուրույն իրականացնելու համար անհրաժեշտ այլ հմտությունների, կարողությունների և ունակությունների ձեռք բերումը:

## **III. Պրակտիկայի խնդիրները**

**6.** Կրթահամալիրում պրակտիկայի հիմնական խնդիրներն են.

- 1) տեսական ուսուցման և մասնագիտական պրակտիկ գործունեության միջև կապի ձևավորման, ամրապնդման ու խորացման ապահովումը,
- 2) սովորողների կողմից մասնագիտական գործունեության համար անհրաժեշտ գործնական հմտությունների ձևավորման միջոցով պրակտիկ նշանակություն ունեցող իրավիճակների գնահատման կարողությունների ձեռքբերումը,
- 3) Ոստիկանության համապատասխան ստորաբաժանումների գործունեության ուսումնասիրության ապահովումը:

## **IV. Պրակտիկայի տեսակները**

**7.** Կրթահամալիրի ակադեմիայում, քոլեջում և ուսումնական կենտրոնում տարբերակվում են պրակտիկայի հետևյալ տեսակները՝ ուսումնական, մասնագիտական, նախաավարտական, գիտահետազոտական, գիտամանկավարժական:

- 1) Ուսումնական պրակտիկան՝ Ոստիկանության համապատասխան ստորաբաժանումների գործունեության ուսումնասիրության ապահովումն է, ինչպես նաև ուսումնառության ընթացքում սովորողների ձեռք բերած տեսական գիտելիքների ամրապնդումն ու խորացումն է, գործնական նշանակություն ունեցող մասնագիտական կարողությունների և հմտությունների ձևավորումը:
- 2) Մասնագիտական պրակտիկան՝ սովորողների մասնագիտական հմտությունների և փորձառության զարգացումն է, ինչպես նաև մասնագիտական ոլորտում ինքնուրույն աշխատելու կարողությունների ձևավորումը:

3) Նախաավարտական պրակտիկան՝ սովորողների տեսագործնական անհրաժեշտ կարողությունների, հմտությունների ամրապնդումն և զարգացումն է, ինչպես նաև պրակտիկ նշանակություն ունեցող իրավիճակների գնահատման կարողությունների ձեռքբերումը:

4) Գիտահետազոտական պրակտիկան՝ ինքնուրույն գիտական հետազոտությունների իրականացման հմտությունների ձևավորումն է և գիտահետազոտական գործունեության խթանումը:

5) Գիտամանկավարժական պրակտիկան՝ սովորողների կողմից մանկավարժական գործունեություն իրականացնելու կարողությունների և հմտությունների զարգացումն է, գիտամանկավարժական խնդիրները լուծելու համար ստեղծագործական մոտեցում ցուցաբերելու ունակությունների ձևավորումը:

## **V. Պրակտիկայի ծրագիրը**

**8.** Պրակտիկայի ծրագիրը՝ սովորողների և պրակտիկայի ղեկավարների գործունեությունը կարգավորող կազմակերպամեթոդական փաստաթուղթ է:

**9.** Պրակտիկայի ծրագիրը կազմվում և քննարկվում է Կրթահամալիրի ամբիոնների (կրթաճյուղի) կողմից (սահմանված դեպքում՝ քննարկվում են ակադեմիայի, քոլեջի, ուսումնական կենտրոնի խորհուրդներում), համաձայնեցվում են Ոստիկանության համապատասխան վարչության հետ (բացառությամբ՝ գիտահետազոտական և գիտամանկավարժական պրակտիկայի) և հաստատվում՝ Կրթահամալիրի պետի կողմից:

**10.** Պրակտիկայի ծրագիրը պետք է համապատասխանի մասնագետի որակավորման բնութագրիչների պահանջներին՝ հաշվի առնելով ապագա մասնագիտությունը և դրան համապատասխան պետական կրթական չափորոշիչը կամ մասնագիրը, որը անհրաժեշտության դեպքում վերանայվում է:

## **VI. Պրակտիկայի կազմակերպման և անցկացման պայմանները**

**11.** Ուսումնական, մասնագիտական, նախաավարտական, գիտահետազոտական, գիտամանկավարժական պրակտիկաները կազմակերպում են Կրթահամալիրի պրակտիկայի համար պատասխանատու ստորաբաժանումները՝ Կրթահամալիրի պետի

հրամանի հիման վրա, որով նշանակվում են պրակտիկայի ղեկավարներ՝ Կրթահամալիրի ծառայողներից:

**12.** Ոստիկանության պետի հրամանով սովորողների պրակտիկան կազմակերպվում և անցկացվում է Ոստիկանության համապատասխան ստորաբաժանումներում, իսկ գիտահետազոտական և գիտամանկավարժական պրակտիկան՝ Կրթահամալիրի պետի հրամանով՝ Կրթահամալիրում: «Ոստիկանական գործ» մասնագիտության «Պարեկ» որակավորման նախնական մասնագիտական կրթական ծրագրով ուսուցման սովորողների պրակտիկան կարող է անցկացվել ինչպես Ոստիկանությունում, այնպես էլ Կրթահամալիրում: «Ոստիկանական գործ» մասնագիտության «Պարեկ» որակավորման նախնական մասնագիտական կրթական ծրագրով ուսուցման սովորողների պրակտիկան Կրթահամալիրում կազմակերպվում է պրակտիկայի ղեկավարների կողմից ուսումնական պարապմունքների անցկացման ձևով:

**13.** Պրակտիկային նախորդող շաբաթվա ընթացքում պատասխանատու ստորաբաժանման կողմից սովորողների և պրակտիկայի ղեկավարների համար կազմակերպվում է պրակտիկայի հրահանգավորում:

**14.** Սովորողները նախապես ապահովվում են պրակտիկայի ծրագրերով, իսկ ուսումնական, մասնագիտական և նախաավարտական պրակտիկա անցնող սովորողները նաև օրագրով (համաձայն՝ Հավելվածի 1-ի):

**15.** Պրակտիկայի ընթացքում վարվող և ավարտին ներկայացվող փաստաթղթերն են (բացառությամբ «Ոստիկանական գործ» մասնագիտության «Պարեկ» որակավորման նախնական մասնագիտական կրթական ծրագրով ուսուցման սովորողների պրակտիկան Կրթահամալիրում անցկացնելու դեպքերի)։

1) Պրակտիկայի օրագիրը: Պրակտիկայի անցկացման ընթացքում սովորողը վարում է օրագիր՝ դրանում նշելով պրակտիկայի յուրաքանչյուր օրվա արդյունքները: Պրակտիկայի յուրաքանչյուր օրվա ավարտից հետո օրագիրը ստորագրում է սովորողը և պրակտիկայի անմիջական ղեկավարը:

2) Սովորողի հաշվետվությունը: Սովորողի հաշվետվությունը ամփոփ տեղեկատվություն է պրակտիկայի ընթացքի և արդյունքների մասին և սովորողի կողմից պրակտիկայի արդյունավետության բարձրացման վերաբերյալ առաջարկություններն են: Սովորողի հաշվետվությունը ստորագրում են սովորողը և պրակտիկայի անմիջական ղեկավարը (համաձայն՝ Հավելված 2-ի):

3) Սովորողի բնութագիրը: Սովորողի բնութագիրը պրակտիկայի անմիջական ղեկավարի կողմից կազմված և Ոստիկանության համապատասխան ստորաբաժանման պետի կողմից հաստատված և կնքված փաստաթուղթ է: Բնութագիրը պահվում է սովորողի անձնական գործում:

4) Ուսումնական գործը: Ուսումնական գործը պրակտիկայի ծրագրով նախատեսված և սովորողի կողմից կազմված համապատասխան փաստաթղթերի ամբողջություն է: Այն ներկայացվում է պրակտիկայի ավարտից հետո ծրագրով նախատեսված Կրթահամալիրի ստորաբաժանում:

5) Աշխատանքի վայրից տեղեկանք: Հեռակա ուսուցման ֆակուլտետի՝ առնվազն միջին խմբի պաշտոններ զբաղեցնող սովորողների պաշտոնը հավաստող փաստաթուղթ:

**(5-րդ ենթակետը լրացվել է գիտական խորհրդի 14.12.2021 թ. որոշմամբ, արձ. թիվ 12)**

**16.** Պրակտիկայի հաշվետու փաստաթղթերը (բացի բնութագրից) պահվում են Կրթահամալիրի համապատասխան ամբիոններում, իսկ ուսումնական գաղտնի գործերը՝ հատուկ գրադարանում:

## **VII. Պրակտիկայի արդյունքների ամփոփումը և գնահատումը**

**17.** Պրակտիկան ավարտվում է սահմանված ժամկետներում և գնահատվում է ուսումնական պլանում նշված ստուգման ձևին համապատասխան:

**18.** Պրակտիկայի արդյունքները ամփոփվում են ակադեմիայի, քոլեջի, ուսումնական կենտրոնի խորհուրդներում:

## **VIII. Անցումային դրույթներ**

**19.** Սույն կարգում փոփոխությունները և լրացումները կատարվում են Կրթահամալիրի գիտական խորհրդի որոշմամբ:

**ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐ**

**ՊՐԱԿՏԻԿԱՅԻ ՕՐԱԳԻՐ**

(ուսումնական, մասնագիտական, նախաավարտական)

Սովորողի Ա.Ա.Հ. \_\_\_\_\_

Կուրս \_\_\_\_\_ դասակ / խումբ \_\_\_\_\_

Մասնագիտություն \_\_\_\_\_

Պրակտիկայի անցկացման ստորաբաժանման անվանում

\_\_\_\_\_

Պրակտիկայի անմիջական ղեկավար \_\_\_\_\_

(Ա.Ա.Հ., պաշտոն)

Պրակտիկայի սկիզբ «        » \_\_\_\_\_ 20.....թ.

Պրակտիկայի ավարտ «        » \_\_\_\_\_ 20.....թ.

Երևան 20.....

ՊՐԱԿՏԻԿԱՅԻ ՅՈՒՐԱՔԱՆՉՅՈՒՐ ՕՐՎԱ ԱՐԴՅՈՒՆՔՆԵՐԸ

«        » \_\_\_\_\_ 20....թ.

.....

.....

.....

.....

.....

.....

.....

.....

.....

Սովորող \_\_\_\_\_  
(ստորագրություն)

Պրակտիկայի անմիջական ղեկավար \_\_\_\_\_  
(ստորագրություն)

«        » \_\_\_\_\_ 20....թ.

.....

.....

.....

.....

.....

.....

.....

.....

.....

Սովորող \_\_\_\_\_  
(ստորագրություն)

Պրակտիկայի անմիջական ղեկավար \_\_\_\_\_  
(ստորագրություն)

«        » \_\_\_\_\_ 20....թ.

.....

.....

.....

.....

.....

.....

.....

.....

.....

Սովորող \_\_\_\_\_  
(ստորագրություն)

Պրակտիկայի անմիջական ղեկավար \_\_\_\_\_  
(ստորագրություն)

**Սովորողի հաշվետվությունը և առաջարկությունները պրակտիկայի անցկացման վերաբերյալ**

This image shows a full page of primary-ruled paper. It features approximately 28 horizontal rows, each consisting of two parallel dotted lines. The rows are evenly spaced across the entire page, providing a guide for handwriting practice. There are no margins, text, or other markings present.

Սովորող \_\_\_\_\_  
(ստորագրություն)

Պրակտիկայի անմիջական ղեկավար \_\_\_\_\_  
(ստորագրություն)

«      » \_\_\_\_\_ 20.....թ.